

JUNIOR SECONDARY CERTIFICATE

RUKWANGALI FIRST LANGUAGE

1108/4

PAPER 4 Literature

2 hours

Marks 60

2018

Additional Material: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section **A Poetry**, **one** from Section **B Drama** and **one** from Section **C Prose**.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

MAVYUKISO NOMAPUKURURO KOVARONGWA

- Tjanga malimbururo goge moBukelimbwiliro vana ku pe.
- Tjanga Nomora zoge zoUkandidate nEdina lyoge momavega goBukelimbwiliro.
- Tjangesa pena zouneguru wokusovagana ndi zonsovagani.
- Wa ha ruganesa yikwamema yokudongwenesa.
- Limburura mapuro **gatatu**, **limwe** moRuha **A Unongotango**, **limwe** moRuha **B Udano** ntani **limwe** moRuha **C Etjangopuru**.
- Pakera mbili esipero, yidivisoresses netungontanto.
- Sivaro soyitwa kuna si gava moyikondekeli [] kehagero lyankenye epuro ndi koruha rwepuro.

This document consists of **6** printed pages.



Republic of Namibia

MINISTRY OF EDUCATION, ARTS AND CULTURE

RUHA A: UNONGOTANGO

Moruha oru limburura mo epuro **limwe** tupu.

Maguru geraka: S W Kavara

1 Resa mutango ogo konhi makura o limburure mapuro ogo naga kwama ko.

Rugedi

Namibia mudima
 mvhura kuna kuduka
 maremo kuna kundandana
 varwana mudima sinka
 vantu navenye woma
 mvhura ezi zonombadi
 konyima nga ka wiza haingungura
 petameko kwa kere zokonontondo dofafe
 sirongo mudima kwa hafere
 vantu wovanzi kwa dene
 vanona vetu kwa metukire
 mvhura roka tu lye makunde
 twa liharuka ko ko kuna ku ndunduma
 twa tara zina kauka
 kuliharuka zina seka
 ezi mvhura zongwa zokamanya
 kurombo kokuwa koyitutumba
 yitutumba nga yi horora ekuta
 yipo tu kure , tu pame,tu ka rwe
 tu sikise mo nzigo zomama
 tu koreke nkugo zoyindindi
 tu kunge rudi rwetu nyamwetu
 tu katamese sirongo nemona lyaso
 nyosevene nga tu ka hupe .

Yikoroma noyikasama nayo yina hafa
 eremo eyi lina hemuka ngongoporo
 eguru eyi lina reta mema
 nayinye tayi pwaga yi ka pandure
 mpandu kuzilikida ayo pokuhamba
 mudipagi ogu ga kara nayo
 murodi ogu ga tunga nayo
 uwaawa dina kuhamba nombambi
 kapukuru kado dina kundjandjara
 nokatjakara kado dina kudinkuka
 ndang'ado kudiva yuma mokatji kado
 mambwara gendi ana gonyo
 udoni wendi ana horeke
 yilye hena ogu na mu diva?

Pweli tupu ogu na mu nongonona?
 Nonkedike ezi na bubuka?
 Norupeke oru na pwagesa?
 Nye mutjima gwendi guna diva
 siruwo sosiwa ana kundindira
 ruveze rokatarerera ana hara
 a diginine po ezi ana hara
 a tome po ntovere mpili zina.

Sikasama naso tuna kara
 rugedi nage tuna tungu
 mudipagi nendi tuna kulya
 nendi tuna kumetuka
 naso tuna kudana nokulyanga
 kaume koge wa mu diva
 mukweni wa mu nongonona
 sininga selike wa konda
 nkareso zendi zonsesu wa diva
 mutjima sikoverero gwendi yimo gwa fana
 komungura to mu ka kema
 pinduko to mu ka lira
 varugedi mbu mombunga zeni
 yikasama lyaki mokatji keni
 nondunge yilye ga di twara?
 Kurungarara kwa mu vhura
 kukotoka kwa mu tjindira
 ngambambi narugedi nomu kara!

(S. W. Kavara)

- (a) Rugedi ngapi omu vamufwaturura momutango ogu? [2]
- (b) Yisinke yina ku kulikida asi nombambi kuhafa nsene mvhura zina roko? [3]
- (c) Gwana efwatururo lyonontanto odo konhi va ruganesa momutango
- (i) tukoreke nkugo zoyindindi. [2]
- (ii) sininga selike wa konda. [2]
- (d) Gwana efwatururo lyosisewe oso: Mutjima gwamukweni sikoverero. [3]
- (e) Ngapi omu ana kutureta mutangi pepi negano lyouholi warugedi kono mbambi? [4]
- (f) Mbuyungofano musinke ga ruganesa mutangi mositanza zokuhulilira momusunda gokouhura. [2]
- (g) Yilye ogu ga ruganesa mutangi a kare mugombeki, nogu va gombekere? [2]

[20]

NDI

- 2 Resa mutango ogo konhi, makura o limburure mapuro aga naga ka kwama ko.

Rupupo Rokupupira: J K Klopers**Kurombo**

Kurombo kuna wiza
Mvhura zina temuna.
Yitji mudima yina hoko.
Yimeno nayinye yina temuna.

Kulima kuna hagada.
Kupurura kuna wiza
Sinema soyirugana.
Siruwo soyirugana.

Eparu yimo a li tundu.
Ekuta yimo a li pwaga.
Siruwo sokukovekeda.
Sinema sokudidimika.

Gasamunterere ga hage.
Sokulukurura si wize.
Vagara koyipururu.
Vamati konongora.

Nane, tu sikureni monofora.
Tate, t kwameni moyirwa.
Mwa ha tu tarerera,
Komungura nga tu ka hupe.

- (a) Gava efwatururo lyosiparatjangwa somutango kurombo. [2]
- (b) Mutangi ngapi omu ga likida asi pokurombo vantu ku kara moyigurukuto yoyirugana. [5]
- (c) Yisinke ana tamba mutangi pokuruganesa nontumbwiso edi momutango gwendi [6]
- (i) Vamati konongora.
- (ii) Sokulukurura si wize.
- (iii) Gasamunterere ga hage.
- (d) Yilye ogu ana kuuyunga mositrofe sokuhulilira, ntani yinke ono kuuyungi ra ngoso. [2]
- (e) Yisinke ana tamba mutangi nonovelise odo?
- mwa ha tu tarerera [2]
- komungura ngatu ka hupe [2]
- (f) Gwama nkango zimwe mositanza sautatu zini kuliza nonkango ozo (ewogo). [1]
- [20]

RUHA B: UDANO

Limburura mo epuro **limwe** tupu moruha oru.

Eharo lyaHompaa: P S Koita**3** (*ngwendi ta wowota*)

Ngoso one kapi sa mwa yi diva eyi ya horokere nare? Ogu hompa amesi kwa kara ngwendi nomudigo gomudigu komutjima gwendi. Tani kuncwantere ko, morwa ove gokukara narunye konyonga zaHompaa, wa hepa kuyidiva ntani... nye nokuyitanta si mpili kanunu ngesi.(ta setauka a tare noku-noku)

Navaava si vanona kapi va yi koneke nawa ,morwa awo siruwo oso vasesu unene, nye kuvhura va ka yi zuvhe komeho. Ngano asi kwa retera po napa pogu mukadendi, ngano hansa kipasi opo... (ta nyungu mutwe) Yipo nye omu monene asi ntene hompa ta zi koure, mukadendi nokuuyunga-uyunga si, kuvera kwelike, morwa ga yi diva, nye nokuwapa si kuyitanta kovana vendi.

- (a) Mutjangi ngapi gapindura elizuvho lyoge kuhamena Hompa mokaruhatjango oko? Gwana mbatero mombapira mokupameka elimbururo lyoge. [5]
- (b) Mudani ke wa hara mo mombapira ezi? Kumburura ko momunene mokukwama mbapira. [5]
- (c) Yisinke zina kutanta nkango “empogwe” mokukwama omu va zi ruganesa mombapira ezi? [2]
- (d) Ngomuresi apa ono resa karuhatjango oko yiwa kububura yininke yomoko horehore kovantu ndi, morwasinke? [3]
- (e) Mutjangi yinke ana hara ku kutantera ngomuresi kuhamena ukaro wonyaNankero? Ruganesa magano gomombapira mokupameka elimbururo lyoge. [5]

[20]**NDI**

4 Kamina: (ta mu kwata meraka) yinke oyo Hompa tu yi ninke po usimbu?

Hompo: Munwange ugu Nankero tuna hara nye kumukwareka. Mumati gwendi yipo ka ya tundire apa novakurona vendi asi. Ozina nawo kava ya yi pandere asi a kware ntaantani, mpili moomu vana dili kuwapa, morwa asi munona ana kuru nye ngesi, hena asi ogo mumati ta zi ure. Name na mu diva ngoso. Ngesi tu gazareni nye asi ngapi ngayi genda yininke nayinye, ntani yeyi ngatu ya lyaalya posipimpo oso.

- (a) Ngapi mutjangi omu gapindura elizuvho lyoge kuhamena nonkwara pwanare? Mbatero zi tunde mombapira. [5]
- (b) Mutjangi ngapi omu ga likida mulyo gokukara Hompa kumwe nesimbi lyendi? Ruganesa yihonena yomombapira mokupameka elimbururo lyoge. [5]
- (c) Ngapi yina kuliza yosiparatjangwa sobuke “Eharo LyaHompaa” neyi va simwitira mobuke ezi? [5]
- (d) Yitundwamo musinke ya ka kweme ko apa ga kere ko marwanambo, ntani ngapi omu ono kulizuvha kuhamena marwanambo gena? Gwana mbatero mombapira. [5]

[20]

RUHA C: ETJANGOPURU**Mahodi gonsigwe**

- 5 Muzumba kapi dina kumuwiza usimbu. Pena ka tanta hekurwendi asi 'si ze kwina 'yilye ka tamba? Ozina sili va fa nye no, nye oguhwe ha va zira pere moSivanda. Nawo kwaka fa ndi simpe vazuni. Ngano nogu si hekurwendi, ngano kupi ana kara? Apa ngava mu ninka "si ze kwina" oku nga vyuka kupi? Nompofu nado dina roroka kupurakena mapuro gendi, makura tadi mu pitura po a ze nado oku adi tundu!
- (a) Fwaturura nkango "nsigwe". [3]
- (b) Ngapi omu ono kulizuvha apa ono resa ruhatjango oro keguru? [3]
- (c) Edina Muzumba mutjangi ngapi omu ga liruganesa yipo li lize kumwe neparu lyendi? Gwana mbatero mombapira mokupameka elimbururo lyoge. [3]
- (d) Ngomuresi ngapi omu una ku gumu uteku ou nga gwanekere nawo Muzumba? Ruganesa yihonena yomombapira mokupameka malimbururo goge. [5]
- (e) Eparu lyaguhyia Muzumba lyo ku ka ligegera mousimba ngapi omu lyagumine epata lyaHaikuwo? [3]
- (f) Magano musinke ono ku gazara ga kere nago mutjangi mokutjanga mbapira ezi? Gwana mbatero mombapira. [3]
- [20]**

NDI

- 6 Kompindo zumina wontjingo ana kara ko. Age mumbya Muswamane Sanda. Edina eli kwa li mu tenteka, morwa nsene yige ana kara kompindo, wontjingo kulikwata pomutjima! Nogu a paka zumina kompindo kumuotara nomeho gosikwiliva! Zumina mpo zokupinda marovhu gazi diva.
- (a) Mutjangi ngapi omu gasingonona mukunda ogu Magongo? [5]
- (b) Mutjangi ngapi omu gafwaturura ukaro waZumina wontjinga yipo u mu pe mfumwa? [2]
- (c) Ngomuresi yinke ya ku kulikida asi Muzumba kwa muvhika mohunyu zasimbugu kuvareka apa ga katukire rugendo rwendi romousimba dogoro papa nga karugana? Gava yihonena kutundilira mompapira mokupakameka elimbururo lyoge. [5]
- (d) Mutjangi ngapi omu ga ku likida asi kudira kuresa nani yidona/Mutjangi ngapi ga kulikida asi nani sure mulyo/elirongo mulyo? Ruganesa yihonena yomombapira mukupameka elimbururo lyoge. [5]
- (e) Elizuvho musinke ono kara nalyo kuhamena Kemba eyi ga pere Muzumba nomutji? Ruganesa magano gomombapira mokupameka elimbururo lyoge. [3]
- [20]**